

## **MEMORANDUM O RAZUMIJEVANJU**

između

**Kongresa lokalnih i regionalnih vlasti Vijeća Evrope**

i

**Saveza općina i gradova Federacije Bosne i Hercegovine i Saveza  
opština i gradova Republike Srpske**

za realizaciju projekta

**Inoviranje demokratskog učešća na lokalnom nivou u  
Bosni i Hercegovini**

u sklopu

**Akcionog plana Vijeća Evrope za Bosnu i Hercegovinu  
2022-2025**

**Mi, potpisnici ovog Memoranduma, ovim putem:**

**Uvažavamo** principe Evropske povelje o lokalnoj samoupravi, koju je Bosna i Hercegovina ratificirala 2002. godine;

**Prepoznajemo** da nacionalni i regionalni savezi lokalnih vlasti imaju vitalnu ulogu u zagovaranju u oblastima lokalne samouprave i u dijalogu za promicanje otvorene i inkluzivne vlasti na lokalnom nivou, te su ključni partneri Kongresa lokalnih i regionalnih vlasti Vijeća Evrope (u daljem tekstu: Kongres) u približavanju demokratskih principa građanima;

**Uzimamo u obzir** korake poduzete u Bosni i Hercegovini za jačanje lokalne samouprave i unapređenje decentralizacije;

**Izražavamo našu spremnost i posvećenost ka:**

**Unapređenju** kvaliteta lokalne demokratije u Bosni i Hercegovini i suradnji za povećano učešće građana u donošenju odluka, podržavajući lokalne vlasti u njihovim nastojanjima da promoviraju nove demokratske pristupe, otvorenu vlast, javnu etiku, kao i transparentno i inkluzivno kreiranje lokalne politike u zemlji;

**Suradnji** na daljem promoviranju dobrih praksi u inkluzivnom kreiranju politika i korelaciji između lokalnih vlasti i njihovih građana, naročito u jugoistočnoj Evropi, kroz partnerstvo sa Mrežom udruženja lokalnih vlasti jugoistočne Evrope (NALAS) i sa drugim relevantnim akterima.

**Potpisnici Memoranduma o razumijevanju obavezuju se da će:**

**Kongres lokalnih i regionalnih vlasti**

- **Uvažiti** Savez općina i gradova Federacije Bosne i Hercegovine i Savez opština i gradova Republike Srpske (u daljem tekstu Savezi) kao partnere projekta „Inoviranje demokratskog učešća na lokalnom nivou u Bosni i Hercegovini“, koji Kongres sprovodi u sklopu Akcionog plana Vijeća Evrope za Bosnu i Hercegovinu 2022-2025;
- Promovirati uključivanje lokalnih vlasti i Saveza kao punopravnih partnera u razvoju relevantnih strategija i akcionih planova u zemlji;
- **Podržati** institucionalne i zagovaračke kapacitete oba Saveza u razvoju i implementaciji relevantnih strategija i planova, te u promociji jačanja kvalitete lokalne uprave, uključujući nove demokratske pristupe, otvorenu vlast i javnu etiku;
- **Pružiti** stručnu podršku i smjernice lokalnim vlastima odabranim u suradnji sa oba Saveza za poticanje proaktivnog i transparentnog pristupa u procesima lokalnog donošenja odluka i za stvaranje inkluzivnog okruženja za odgovaranje potrebama građana;

## Savezi

- **Promovirati** i integrirati evropske standarde za lokalnu demokratiju u strateškoj orijentaciji Saveza i usluga koje se nude njenim članicama, prvenstveno preporuke Vijeća Evrope i Kongresa u vezi sa otvorenom vlašću, deliberativnom i participativnom demokratijom, rodnom jednakošću i ljudskim pravima;
- **Doprinijeti** implementaciji projekta Vijeća Evrope "Inoviranje demokratskog učešća na lokalnom nivou u Bosni i Hercegovini" pružanjem savjeta o razvoju i izazovima za unapređenje lokalne demokratije poticanjem *peer-to-peer* pristupa (pristup razmjene na istom nivou/među kolegama), i razmjene znanja, uključujući sa savezima iz drugih evropskih zemalja;
- **Potaći** dijalog sa i između lokalnih i centralnih vlasti i organizacija civilnog društva kako bi promovirali i zagovarali implementaciju principa otvorene vlasti i doprinijeli ispunjavanju nacionalnih obaveza Bosne i Hercegovine u tom pogledu;
- **Pružiti** podršku lokalnim vlastima, odabranim zajedno sa Kongresom, u razvoju njihovih kapaciteta i njihovom upoznavanju sa politikama i praksama koje promoviraju otvorenu vlast, javnu etiku, kao i transparentno, inkluzivno i participativno kreiranje lokalne politike, čime se povećava kvalitet lokalne demokratije i ukupna otpornost lokalnih zajednica u Bosni i Hercegovini.

*Potpisano u Mostaru, Bosna i Hercegovina, dana 19.9.2022. godine.*



**Vesna TRAVLJANIN**

Direktorica

Savez općina i gradova Federacije  
Bosne i Hercegovine



**Aco PANTIĆ**

Generalni sekretar

Savez opština i gradova  
Republike Srpske



**Rafael BENITEZ**

Direktor

Kongres lokalnih i regionalnih vlasti  
Vijeća Evrope